



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Anagnino Episcopo.

**urn:nbn:de:hbz:466:1-20006**

ALIFANO EPISCOPO.

Epist. 72.  
Quod Clericos  
præsumentes  
ipsum ad tribu-  
nal seculare  
trahere, possit  
per excommu-  
nicationis sen-  
tentiam coër-  
cere.

**I** Vltis perentium &c. usque ad ver-  
bum illud assensu. Vt clericos tuos,  
qui contumaces aut inobedientes extir-  
rerint, qui etiam in ecclesiasticis causis  
& beneficiis conferendis te per appella-  
tionem præsumpserint ad iudicium tra-  
here seculare, nisi ad monitionem tuam  
ab his præsumptionibus duxerint desi-  
stendum, tibi eos liceat per excommu-  
nicationis sententiam cohercere, aucto-  
ritate tibi præsentium indulgemus. Præ-  
terea, si quid vacante sede usque ad tem-  
pus consecrationis tuæ in præiudicium  
tuum fuit in Alifana Ecclesia temerè at-  
tentatum, liberum tibi sit legitimè re-  
vocare. Datum Romæ.

MAGISTRO ET FRATRIBVS  
Hospitalis Hierosolymitani.

Epist. 73.  
Vt Ecclesie  
Tripolitane  
Ecclesiam de  
Nephtin unã  
cum decimis,  
iuxta decretum  
Pontificis resi-  
gnoent.

**E** A quibus apostolica sedes manum  
diffinitionis apponit, illius volu-  
mus firmitatis stabilitate fulciri, ut nulli  
liceat in scrupulum quæstionis deducere  
quod tantæ sedis est auctoritate statu-  
tum. Sanè venientibus ad præsentiam  
nostram dilectis filiis nostris S. Priore  
sancti Michaëlis & Aimerico canonico  
Tripolitan. nunciis ipsius Ecclesie Tri-  
politane, & super Ecclesia de Nephtin.  
& decimis suis, ac tribus casalibus, quæ  
occasione literarum bonæ memoriæ C.  
Papæ prædecessoris nostri vos occupas-  
se temerè asserant, contra vos propo-  
nentibus quæstionem, tam ipsis quam  
nunciis vestris eis se opponentibus ve-  
nerabilem fratrem nostrum P. Portuen.  
Episcopum & dilectos filios Guid. tt.  
sanctæ Mariæ transtiberim presbyte-  
rum & G. sancti Angeli diaconum Card.  
concessimus auditores: in quorum præ-  
sentia cum ab utraque parte fuisset di-  
utiùs allegatum, & ex fidei relatione no-  
bis super causæ meritis nuda veritas ap-  
pareret, post deliberationem habitam  
inter fratres nostros super his diligen-  
tem, de consilio eorundem decrevimus  
Ecclesiam Tripolitan. in eum statum  
possessionum integrè reducendam,  
quam habuit antequam per venerabilem  
fratrem nostrum Nazarenum  
Archiepiscopum & dilectum filium  
Abbatem Montis Oliveri destinatum à  
venerabili fratre nostro Patriarcha  
Hierosolymitani. occasione mandati præ-  
decessoris nostri, prædictarum rerum

possessio vobis adjudicata fuisset. Ideo-  
que vobis per apostolica scripta districtè  
præcipiendo mandamus, quatenus iux-  
ta quod est sententiatum à nobis, pos-  
sessionem tam Ecclesie de Nephtinis,  
quam aliorum quæ superius sunt expres-  
sa, cum integritate fructuum ex eis ab il-  
lo tempore perceptorum, memoratæ  
Tripolitan. Ecclesie, contradictione,  
occasione, & appellatione cessantibus,  
pacificè resignantes, nullam ei super  
eadem possessione violentiam præsumatis  
aut injuriam irrogare, ne in causa  
proprietas propter rebellionem ves-  
tram iacturam positis incurrere gra-  
uiorem. Noveritis autem nos venerabili-  
bus fratribus nostris Tyrensi Archi-  
episcopo & Episcopo Sidonien. mandas-  
se, ut si ultra mensem possessionem il-  
lam (quod non credimus) contra sen-  
tentiam nostram præsumpseritis detine-  
re, ipsi vel alter eorum (si ambo nequi-  
verint interesse) auctoritate nostra suf-  
fulti prædictam Ecclesiam de Nephtinis,  
cum prædictis omnibus, non obstante  
contradictione vel appellatione cuiuslibet,  
Ecclesie Tripolitan. assignent, &  
eam in corporalem possessionem om-  
nium prædictorum inducant, quoslibet  
contradictores, aut nostræ sententie ob-  
viantes, per severitatem ecclesiasticam  
appellatione postposita compescendo.  
Nullis literis obstantibus, præter assen-  
sum partium à sede apost. impetratis,  
Datum Lateran.

ANAGNINO EPISCOPO.

**A** D universalis Ecclesie regimen  
Domino disponente vocati, sic  
Ecclesiarum commodis & profectibus  
volumus (prout debemus) efficaciter  
providere, quod tam in temporalibus  
quam spiritualibus proficere valeant, &  
statum semper debeant recipere melio-  
rem. Inde est quod cum in desiderio ha-  
beas & proposito Anagnin. Ecclesiam  
iuxta officij tui debitum in possessioni-  
bus ampliari, & justis modis ejus utili-  
tatibus imminere, gratum nobis & ac-  
ceptum existit, & votis tuis super hoc  
volumus patrocinium apostolicum im-  
pertiri. Quia igitur Castrum Acuti pro  
Ecclesie tibi commissæ utilitatibus com-  
parare laboras, & tam tuæ quam ipsius  
Ecclesie facultates non sufficiunt ad  
pretium exolvendum, ut in præfenti ar-  
ticulo cum toto tuo Capitulo, vel ma-  
jori

Epist. 74.  
Quod liceat ei  
pro emptione  
Castri, Eccle-  
sie bona cum  
voluntate Ca-  
pituli, pignori  
supponere.

jori



jori & saniori parte de possessionibus ipsius Ecclesie valeas pignori obligare, auctoritate presentium liberam tibi concedimus facultatem. Nulli ergo &c. Datum Lateran.

ADFM. PICTAVEN. EPISCOPO.

Epist. 75.  
De confirma-  
tione electio-  
nis sue in Episcopum Pictavensem.

**C**um justus Dominus justitiam diligat, & vultus ejus videat æquitatem, nos, quos ipse gratuito cœlestis gratiæ dono vicarios suos esse voluit & Apostolorum principis successores, sicut ipse ambulavit, ambulare oportet, diligentes justitiam, & injustitiam persequentes: ne si in contrarium, quod absit, fortè fecerimus, illud nobis valeat coaptari: *Væ qui dicitis bonum malum, & malum bonum, ponentes tenebras lucem, & lucem tenebras.* Cum enim justitia & judicium sit correctio sedis hujus, quam licet insufficientibus meritis obtinemus, si judicium non fecerimus inter virum & virum, aut si attenderimus in judicio vultum potentis ad injustitiam declinantes, pronuntiabunt labia nostra iniquitatem: quoniam secundum Prophetam *pronuntiabunt & loquentur iniquitatem omnes qui injustitiam operantur.* & infructuosæ poterimus ficulnæ comparari, quam evangelicus paterfamilias succidi mandavit, & terram conquestus est inutiliter occupare. Hoc nos & fratres nostri volentes cautiùs evitari, cum I. Dolen. monachus, carissimi in Christo filij nostri R. illustris Regis Angliæ & G. Pictaven. Decani ac fautorum ejus procurator, assistentibus sibi Subdecano & magistro Vu. de Talebore Canonico Pictaven. ex una parte, & dilecti filij Vv. Succentor, magister Rainaldus, Ioannes Aëris, I. Arnaldi, I. Emen. Ioannes Butember. Lucas Montis Maurilij, Guid. Haimo, Henr. & Ric. Canonici Pictaven. ex altera, super electione tua ad sedem apostolicam accessissent, audientiam eis in consistorio publico duximus concedendam, ut tanto pluribus judicij veritas innotesceret, quanto causæ meritum ad plurium notitiam deveniret. Propositum fuit autem pro electione in presentia nostra, quòd bonæ memoriæ Vv. prædecessore tuo viam univ ersæ carnis ingresso, tam Personæ quàm universi Canonici Pictaven. cum de Pontificis substitutione tractarent, vota sua in sex de Canonice unanimiter contulerunt, juramento à singulis corporaliter præsti-

to quòd eum, in quem illi pariter convenirent, in electum reciperent, & obedientiam ei ac reverentiam exhiberent. Cumque infra sex mensium spatium dicti electores inter se convenire minimè potuissent, venerabili fratri nostro Burdegalen. Archiepiscopo ad Capitulum evocato, & compromissione in ejus presentia innovata, dictum Archiepiscopum omnes humiliter rogaverunt, ut quem illi sex eligerent pro Capitulo, reciperet, & electionem ejus sine dilatione qualibet approbaret. Electores igitur singuli sub debito olim præstiti juramenti, fide interposita in manu dicti Archiepiscopi firmiter promittentes quòd secundum Deum, quem de gremio Ecclesie pastoralis regimini magis idoneum existimarent, eligerent, secedentes in unum, in te concorditer conveniunt, & cum concordiam suam dicto Archiepiscopo nunciassent, ipse quòd factum fuerat approbavit. Contra verò pars adversa proposuit quòd revera in sex Canonicos fuerat ab omnibus compromissum: ita tamen quòd meliorem clericum de gremio Pictaven. Ecclesie cum pace ipsius Ecclesie ac Principis infra certum diem eligerent, ac tandiu electionem, quam facerent, occultarent, donec habita pace Principis Decanus electum in Capitulo nominaret. Sed cum electores ipsi inter se minimè convenirent, à compromisso singulos absolverunt. Et licet prima compromissio in dicti Metropolitanus fuerit postmodum presentia innovata, quia tamen in die compromissionis, sicut eis injunctum fuerat, nullatenus elegerunt, eorum auctoritas expiraverat, propter quòd ulterius eos nec potuisse nec debuisse procedere asserbat. Fuit etiam ex eadem parte subjunctum quòd cum die compromissionis, ut dictum est, non fuisset in electione processum, electores ipsi ad celebrandam electionem diem alterum statuerunt: in quo, quoniam ad Capitulum non venerunt, dictus Decanus apostolicæ sedis audientiam appellavit. Sed ipsi appellationi minimè deferentes, extra civitatem in loco secreto, non vocatis Decano & alijs, elegerunt, propter quòd Decan. & fautores ejus in venerabilem fratrem nostrum Nannetensem Episcopum convenerunt. Ceterum pars Ecclesie, quòd sicut superius est expressum,